

Deireadh cairdeasa comhaireamh

[McKenna, Lambert: *Philip Bocht Ó hUiginn*, Dublin, 1931, poem 6]

1 Deireadh cairdeasa comhaireamh
cúis mímhéanma
gan tocht i dtlás
mo locht ar fás na fíneamhna.

2 Na maoir tobhaigh
a-táid ag teacht 'nar ro-dháilne
ní lugha leam
ag dula i gceann an chomháirmhe.

3 Nach dearna an rí
riamh ortha is eadh do breathnuigheadh
a chaor charad
gaol dá laghad nach leanfuidhear.

4 Gidh iomdha dhíobh
na daoine as ní fhuarasdar
fear le bhfaghar
neamh is talamh mar thuarasdal.

5 Seachna a chomuinn
is cairdeas cinidh neamhcháirdigh
eo an mhara mhóir
cara as teo dhóibh dá ndearbhcháirdibh.

6 Do chaith an rí
go rug treise ar ar dtréinfhearaibh
dlús ré ar ndínne
i dtús an díne dhéigheanaigh.

7 Foillseochaidh Críosd
fa chriaidh is cuid dár náimhdeanas
dá thráth nó a thrí
nach gan fháth do bhí i mbráighdeanas.

8 Measfuidhthear leis
luit na gcló i gceann ar n-airdeire
goin an dá ghlac
gér thoil le mac na maighdine.

9 Ní léigfe an rí
fa ríor ní riaghail sháireochar
uair dar n-aimsir
uaidh san aimsin nach áireomhthar.

10 D'admháil a locht
liaigh na hanma do b'ionnsaighthe
ní chéala cách
a sgéala i dtráth an tiomsaighthe.

11 Má do chóidh uaim
go holc is eadh do chualamar
do ní dhamh díoth
gach ní as ghlan fríoth dá bhfuaramar.

12 Teanghtha ar mbiodhbhadh
beid gár lot i ló an aighneasa
maor na meidhe
don taobh eile go mh'aimhleassa.

13 Diultfaidh Íosa
éigean dóibh dul ar faideachtra
tráth a thabhaigh
cách i n-aghaidh a n-aigeanta.

14 Ní fhuighe sinn
síoth re n-éag muna fhoghamne
ó nón a-nunn
an ghlór do chum fa ar gcomhairne.

15 Cóir chneidhe an taoibh
don té len hál is orasa
a cora ar gcúl
gidh fola úr an fholasa.

16 Madh óg mo choir
ní cás ionnladh na hógcoire
a chóig croidhe
cóig róid toighe na trúcoire.

17 Críoch a n-abraim
m'fhoghnamh nach cóir do chomaoidhimh
ar nduaisne dhuid
as uaisle cuid dod chomaoinibh.

18 Go ndearnais damh
a Dhé Athar ar fhéadabhar
meisde mo mhodh
ní dleisde mogh do mhéadaghadh.

19 D'éis a chéile
go gcurthar mh'eire i n-éadruime
ceartaigh mo cham
ní beantar crann don chéadbhuille.

20 Dá sgartha ris
do rachadh dhé a dlaoi fhírdhíona
gan tusa im thoigh
dob usa a-moigh mo mhíghníomha.

21 M'fhás ót athair
adhbhar do cheilt mo cheanasa
ó Mhoire a mheic
gá goire dheit mo dhealasa.

22 Acht gidh ionann
ní fhoghnaim dhuit mar dhearbhráthair
a Dhé na ndúl
cré dhúnn agus dod dheaghmháthair.

23 A dtárraidh dhíom
mo dheala gidh dhí as dearbhffaicse
bráighe na mban
dob áille dhamh a dearmaitse.

24 Gé táim 'na ceann
nocha cosmhail nach creidfidhe
bean dála Dé
a námha lé go leigfidhe.

25 Beag an t-iongnadh
re hoidhir nDé mo dhealughadh
Dia uair oilé
do chuaidh ó Mhoire ar mearughadh.

26 Breith amhairc air
is é iul na n-ord riaghalta
cor dom chonair
dol an domhain na diadhachta.

27 An té nach gabh
a ghairm gus na sé sochuidhibh
ó mhac Muire
dar lat is duine dochuiridh.

28 Toil ar n-aithreadh
munab í an ghláir do ghrádhachadh
do reacadh rinn
nach peacadh sinn dá sárachadh.

29 Fuaras fa ríor
riamh gus anois mo neimhcheapadh
gabham an glan

go nglanam sal na seinpheacadh.

30 Ó tharla id dhurn
dul dod chosg is cás rodhoiligh
orlámh gach uilc
a thromdhámh an chuirp chomhoidhigh.

31 Nír chóir díomas
i ndiaigh ísligthe m'aradhna
am bráthair bocht
máthair na n-olc an anumhla.

32 Toil na colla
ní ciall a fhad gur aithneamar
gur mheall mise
dobudh leam ise d'aithmhealladh.

33 Fás mo mheanman
is mire ná an maidhm rabharta
m'fhíoch gá adhnadh
sul fríoth adhbhar a adhanta.

34 Dom chomrádh bhaoth
is beag as bhriathra dionghmhála
do locadh leam
an focal budh fhearr ionrádha.

35 'Nar gceardchain féin
fighe diabhal a dhubhoige
gur chríon an corp
bríogh na locht nocha lughoide.

36 A dháil fa chriaidh
cúis umhla d'fhioc a fhaicseana
anadh an uaill
an talamh mo thruaill thaisgeadha.

37 Do-ghéabha a-rís
rinn sógha ar son a hanshógha
is í a hanáir
gan an chlí d'fhagháil anóra.

38 Nír fhaomh ar dtús
ní torthach crann 'na chríontamhan
anmhain don ulc
amhlaidh don churp ar gcríochnaghadh.

39 Ní sirthe dhuit
deacair an chlú do choimsiughadh

madh maith do mhéin
acht an mhaith féin dá fhoillsiughadh.

40 Teach na glóire
do ghéabhabha ó Dhia ar deoir n-aithrighe
túr an tighe
do rún cridhe do caithfidhe. Deir

41 Lór d'fhosgadh air
ainbhios ar n-eagna bigeine
gach daingean díobh
aingeal an ríogh 's an ridire.